



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput V. (a) Urbanus III.

[urn:nbn:de:hbz:466:1-74533](#)

In Librum IV. Decretalium,

nium, l. 2. ff. de donat. inter : & sicut non valet talis promissio constante matrimonio, l. 3. §. eti stipulanti, ff. eod. titul. ita eti in id tempus promissio conferatur, l. qu. de sponsa & 4. C. de donat. ante nupt. Pro cuius difficultatis solutione dicendum est, Celsum in eo textu hanc pactionem non indistinctè improbare, sed causà cognitâ, quia ex justa causa, & honesta potest fieri, velut nomine donationis propter nuptias, sive ob aliam justam causam, patè si mulier nobilis sit, vir vilis conditionis, vel econtrâ, & idcirco stipuletur mulier in compensationem nobilitatis suæ; vallebit enim hæc stipulatio, ut tradunt Bartol. & Castrensis in d. §. si tibi napsero: igitur hæc con-

ditio, Si deceas dederis, in nuptiis non est statim rejicienda, sed adhibenda cognitio judicis, utrum ex causa honesta facta fuerit, l. final. §. Seja, ff. de obl. & act. Itaque ex honesta causa hujusmodi conditio adjecta valet. Nec obstat verbum hoc, donaveris, quod videtur importare donationem meram, nam potius conditio hæc referenda est ad dotis donationem; unde postea Pontifex ait, dederis, solveris: qua verba non rectè ad donationem referuntur, & verbum donandi, dotibus dandis aptum esse probat Alciatus lib. 4. parerg. cap. 13 licet ibi aliter accipiat textum hunc: do- cuerunt Barbosa & Canilius in præsenti, Pinel. lib. 2. select. cap. 20. num. 21.

C A P U T V.

(a) Urbanus III.

Super eo verò, quod à nobis similiter postulasti, utrum ille qui in quandam mulierem consensit, ad consummandum matrimonium sit compellendus, nihilominus respondemus, quod cum consensus liber dici non possit, qui in alieno reservatur arbitrio, ac conditionem ipsam canonica non improbeat instituta, quia consonet honestati, nisi voluntas patris postmodum intercedat, nequaquam est ad matrimonium contrahendum cogendus. Nam licet felicis memoriam (b) Alexander Papa antecessor noster in suis videatur consultationibus respondisse, quod sponsalia interposita (c) conditione contracta, conditione ipsa minimè observata, si consensus de præsenti intercedat, vel carnalis copula subsequatur, dissolvi non debent, sed firmiter observari; nequaquam nostra definitioni est aduersum, cum hujusmodi consensus nequaquam sit de præsenti habendus, licet per verba de præsenti evidentius exprimatur, qui in alieno arbitrio non habitò, sed habendo consistit.

N O T A E.

1. (a) **U**rbanus III.] Ita etiam legitur in cap. 4. hoc titul. in 1. collect. ubi additur pars capituli cum in Apostolica; unde satis innuitur, in præsenti referri partem textus in c. cum in Apost. de spons. ubi præsentem inscriptionem exposui.

(b) *Alexander.*] Relatus in cap. de illis, hoc titul. cap. de illis, de spons.

(c) *Conditione.*] Sed an adveniente conditione novus desideretur consensus? latè exponit Gibalinus tom. I. de negot. lib. 3. cap. 2.

C A P U T VI.

Innoc. III. (a) Mariscano Episcopo.

Per tuas nobis litteras intimasti, quod cum in præsentia tua quedam mulier Pacifica nomine, quendam nomine Nicolaum postularet in virum, afferens inter se mutuum de præsenti consensum, & carnalem copulam accessisse; vir ipse, quamvis contracta sponsalia, & carnis copulam non negaret, asserebat se tamen illam in uxoremducere non teneri, quia sponsalia inter ipsos sub hac fuerant conditione contracta, si videlicet pater ejus & patruus sponsalibus consentirent: sed ipsi quamcitò noverint, & sponsa contradixerunt & sponsa; quod idem vir idoneis nitebatur testibus comprobare. Verum mulier replicabat, quod licet fides præstata fuerit ab utroque sub conditione præscripta, non tamen sibi fuerat à patre viri, vel patruo aliquando contradictum, & ante tempus contradictionis expressum à testibus, & post illud dicebat inter se canalem copulam accessisse. Addebat præterea, quod licet à principio conditionaliter contraxissent, temporis tamen processu sine conditionis adjectione purè in matrimonium consenserunt; & hoc asserebat se testibus probaturam. Recepit itaque testibus partis utriusque, cum attestations mulieris coram te, præsentibus duobus examinatorebus faceres publicari, testes ipsi dixerunt, quod dicta, quæ legebantur, non dixerant, & quæ deposituerant, scripta non erant: sed ab uno examinatore tunc contra eos fuit fortiter obviatum, & ob hoc mulier postulabat, ut iudicem testes, vel alii super eisdem